



KETUA PENGARAH PERKHIDMATAN AWAM

DIRECTOR-GENERAL OF PUBLIC SERVICE

Jabatan Perkhidmatan Awam Malaysia

Public Service Department, Malaysia

Aras 13, Blok C1, Kompleks C

Pusat Pentadbiran Kerajaan Persekutuan

62510 W.P. PUTRAJAYA

MALAYSIA

Tel: 603-80008000

Faks (Fax): 603-88892187

Laman Web (Web): www.jpa.gov.my

Rujukan : JPA.800-3/2/4 (43)

Tarikh : 01 April 2024

Semua Ketua Setiausaha Kementerian

Semua Ketua Jabatan Persekutuan

Semua YB Setiausaha Kerajaan Negeri

Semua Pihak Berkuasa Berkanun

Semua Pihak Berkuasa Tempatan

YBhg. Datuk Seri/ Dato' Sri/ Datuk Wira/ Dato' Indera/ Datuk/ Dato'/

Ts./ Dr./ Tuan/ Puan,

BANTUAN KHAS KEWANGAN AIDILFITRI TAHUN 2024

Dengan hormatnya saya ingin menarik perhatian YBhg. Datuk Seri/ Dato' Sri/ Datuk Wira/ Dato' Indera/ Datuk/ Dato'/ Ts./ Dr./ Tuan/ Puan kepada perkara di atas.

2. Sebagaimana YBhg. Datuk Seri/ Dato' Sri/ Datuk Wira/ Dato' Indera/ Datuk/ Dato'/ Ts./ Dr./ Tuan/ Puan sedia maklum, YAB Perdana Menteri telah mengumumkan Bantuan Khas Kewangan Aidilfitri (BKKA) Tahun 2024 sebanyak RM500.00 dibayar kepada penjawat awam Gred 56 dan ke bawah termasuk pegawai/ kakitangan lantikan kontrak (Contract of Service, Contract for Service, pegawai sambilan harian dan lantikan Personel MySTEP). Di samping itu, BKKA Tahun 2024 ini turut

dipanjangkan kepada pesara Kerajaan, veteran berpencen dan veteran tidak berpencen dengan bayaran sebanyak RM250.00.

3. Selaras dengan keputusan tersebut, kaedah pelaksanaan pembayaran BKKA Tahun 2024 adalah seperti berikut:

3.1 Bayaran **LAYAK** diberikan kepada:

- (i) pegawai Perkhidmatan Awam Kumpulan Pengurusan dan Profesional serta Kumpulan Pelaksana Gred 56¹ dan ke bawah yang masih berkhidmat pada 5 April 2024;
- (ii) pegawai Perkhidmatan Awam Kumpulan Pengurusan dan Profesional serta Kumpulan Pelaksana yang layak tersebut merupakan:
 - a) pegawai lantikan tetap, sementara dan *Contract of Service* (COS)²;
 - b) pegawai yang bercuti bergaji penuh;
 - c) pegawai yang bercuti separuh gaji;
 - d) pegawai yang bercuti tanpa gaji; dan
 - e) pegawai yang dipinjamkan termasuk ke agensi yang diasingkan pengurusan saraannya. BKKA Tahun 2024 ini akan dibayar oleh agensi yang menerima peminjaman pegawai.

¹ Pegawai di Gred 56 atau setara. Tidak termasuk pegawai yang sedang memegang di Gred Utama/Khas.

² Bagi pegawai di bawah *Contract for Service*, Surat Edaran berasingan akan dikeluarkan oleh Kementerian Kewangan.

3.2 BKKA Tahun 2024 ini **TURUT DIBAYAR** kepada:

- (i) pegawai lantikan Personel MySTEP yang masih berkhidmat pada 5 April 2024 dan telah dilantik sebelum 5 April 2024;
- (ii) guru interim;
- (iii) pemandu yang dilantik sendiri oleh pegawai Gred Jawatan Utama B dan ke atas, serta Gred Khas A dan ke atas yang layak pemandu tetapi tidak disediakan pemandu oleh jabatannya; dan
- (iv) pemandu yang dilantik sendiri oleh Anggota Pentadbiran serta Hakim dan Pesuruhjaya Kehakiman.

3.3 Bagi pesara Kerajaan yang menerima pencen termasuk pesara pilihan yang belum menerima pencen, penerima pencen terbitan di bawah undang-undang pencen dan pesara skim Kumpulan Wang Simpanan Pekerja (KWSP) yang bersara daripada perkhidmatan awam apabila mencapai opsyen umur persaraan paksa (55/ 56/ 58/ 60 tahun) atau bersara Atas Sebab Kesihatan (ASK) pada atau sebelum 5 April 2024, akan dibayar sebanyak RM250.00 oleh Jabatan Perkhidmatan Awam (JPA) manakala veteran berpencen dan tidak berpencen oleh Jabatan Hal Ehwal Veteran (JHEV);

3.4 Pesara (rujuk perenggan 3.3) dan veteran yang dilantik semula secara lantikan tetap, sementara serta COS dan masih berkhidmat pada 5 April 2024 layak dibayar sebanyak RM500.00. Pembayaran sebanyak RM250.00 akan dibuat

oleh JPA/ JHEV dan bakinya sebanyak RM250.00 akan dibayar oleh jabatan di mana pegawai sedang berkhidmat;

3.5 Pegawai Perkhidmatan Awam Persekutuan yang meninggal dunia pada 5 April 2024 layak diberi BKKA Tahun 2024 sebanyak RM500.00;

3.6 Bayaran **TIDAK LAYAK** diberikan kepada:

(i) pegawai dalam Kumpulan Pengurusan Tertinggi dan setaraf termasuk pegawai yang memangku, dipinjam/ tukar sementara dan penempatan khas ke Gred Jawatan Utama/ Gred Khas;

(ii) pegawai yang dikenakan hukuman tatatertib buang kerja atau turun pangkat dalam tempoh 1 Januari 2024 hingga 5 April 2024;

(iii) pegawai yang ditamatkan perkhidmatan demi kepentingan awam dalam tempoh 1 Januari 2024 hingga 5 April 2024;

(iv) pegawai yang meletak jawatan dalam tempoh 1 Januari 2024 hingga 5 April 2024; dan

(v) pegawai berpencen yang melepaskan hak pencen kerana menyertai Badan Berkanun Yang Diasingkan Saraan (BBDS).

3.7 Pegawai yang ditahan kerja, digantung kerja atau surat pertuduhan telah dikeluarkan oleh Pihak Berkuasa Tatatertib (PBTT) akan ditangguhkan pemberian BKKA Tahun 2024 ini. Pegawai hanya layak dibayar BKKA Tahun 2024 setelah

dibebaskan daripada pertuduhan tatatertib atau dikenakan hukuman selain buang kerja atau diturunkan pangkat oleh PBTT yang berkenaan; dan

3.8 BKKA Tahun 2024 ini akan dibayar pada **5 April 2024** dan menjadi tanggungan jabatan di mana pegawai berkhidmat pada tarikh pembayaran.

4. Pemberian BKKA Tahun 2024 ini turut dikecualikan cukai pendapatan selaras dengan peruntukan di bawah subseksyen 127(3A) Akta Cukai Pendapatan 1967.

5. Tertakluk kepada penerimaan pakai oleh pihak berkuasa masing-masing, arahan ini pada keseluruhannya dipanjangkan kepada semua Perkhidmatan Awam Negeri, Pihak Berkuasa Berkanun dan Pihak Berkuasa Tempatan.

Sekian, terima kasih.

“MALAYSIA MADANI”

“BERKHIDMAT UNTUK NEGARA”

Saya yang menjalankan amanah,



(DATO' SRI WAN AHMAD DAHLAN BIN HAJI ABDUL AZIZ)

s.k.:

YBHG. TAN SRI DATO' SERI MOHD ZUKI BIN ALI

Ketua Setiausaha Negara
Pejabat Ketua Setiausaha Negara
Aras 4, Blok Timur
Jabatan Perdana Menteri
Pusat Pentadbiran Kerajaan Persekutuan
62502 PUTRAJAYA

YBHG. DATUK JOHAN MAHMOOD MERICAN

Ketua Setiausaha Perbendaharaan
Kementerian Kewangan Malaysia
Aras 10 Blok Tengah
No.5, Persiaran Perdana, Presint 2
Pusat Pentadbiran Kerajaan Persekutuan
62592 PUTRAJAYA

YBRS. PUAN NOR YATI BINTI AHMAD

Akauntan Negara
Jabatan Akauntan Negara Malaysia
Aras 7, Kompleks Kementerian Kewangan No. 1, Persiaran Perdana,
Presint 2
62594 PUTRAJAYA